

中華民國
新修
豐順縣志
第一冊

136
42
3301181

42
ep=1111

民國三十二年季夏三月



中華民國
新修
豐順縣志

劉禹輪題



民国新修丰顺县志

刘禹轮 李唐

民国32年（1943年）

汕頭鑄字局梅縣分局

整理：淮海

<http://www.douban.com/group/108966/>

資料來源：

<http://res4.nlc.gov.cn/home/search.trs?method=showDetail&channelid=8&id=312001077716&searchWord=%28+bookname%3D+%27%E4%B8%B0%E9%A1%BA%27++%29>

序一

志乘之書出來舊矣周禮春官小史掌邦國之志說者以爲卽後世郡國志鄉土志之所自昉自唐宋以來省府州縣莫不有志雖詳略不齊馴駁或異要其爲地方文獻之所繫足以明興廢攷得失昭法鑒示來茲則一也豐順之爲縣前於今二百有四年而其有志則距設治後才八載耳草創之初無可因襲體裁攷核容有擇之未精語焉弗詳者然而董其事者之急於當務垂範奕代厥功亦偉矣哉自茲以後續修於光緒十年釐定舊譜填補殘缺徵引鉤稽漸臻明備駸駸乎可與同州各邑所志相頡頏而無愧色劉彥和所謂六義附庸蔚成大國者也顧歲月易得自甲申洎今又匆匆易五十八寒暑矣其間轉移沿革時異勢殊況自民國肇建百度維新不獨城池有變置戶口有增益教育有改良人材有新進舉凡一切典禮制度莫不日趨修明迥別疇昔自應亟加續纂俾得繼往開來相傳靡替此固創始者之所預期而亦有司之重責也民國二十八年劉君禹輪來長斯邑人和政舉三年有成乃於百廢漸興之際毅然引續輯舊志爲己任于是禮聘耆聞之士從事修纂閱年餘而藁成爲愼重計復一再博訪周咨期于盡善將付剞劂郵請一言以弁其端予督政五區行將一稔對於徵文攷獻易俗移風之舉未嘗不殷殷爲之倡導如劉君之明識治體知所先後洵有足多者間嘗思之古人以三十年爲一世誠以氣化之盛衰人事之得失滄桑之變易在三十年間常畫然如草木之區別故予以爲各縣志乘宜三十年一續修之蓋頻頻操觚補綴將不勝其煩抑亦鈔所增益若閱時久遠又慮事迹湮沒採訪難周惟以是爲標程間

豐順縣志

卷首

序

一

汕頭鑄字局梅縣分局承印

繼起云爾

中華民國三十年八月中山李郁焜序

序二

吾國曩者地方行政區域省以下有府州縣等言其大較省有省誌府有府誌縣有縣誌其內容往往缺少歷史性縱面紀述地理橫面紀述惟於選舉人物博搜詳載不厭煩絮甚至災異軼事記敍亦刺刺不休然能精確傳爲實錄信史適切實用者卒不多見焉余思方誌之作由今言之小徒在抒懷舊之蓄念發潛德之幽光其主旨要在認識時代對民生及社會作總括整個敘述回顧過去紀錄現在策進將來以求地方之進步也漢大史公作史記所謂述往事思來者其意蓋如斯夫修志等於修史顧時勢變易如拘泥古之體例宜同夏鼎商彝亦何裨於實用豐順開縣始於清乾隆年間爾時一切制作建置悉出創舉有縣令葛公子者始編立縣誌椎輪啓大輅此其權輿厥後踵事增華續有所修輯迄光緒十年止今所傳豐順縣誌是也然此舊志存書已極少矣光緒到現在又閱五十八年其間民國肇興舉一邑黨務經濟政治文化交通皆缺然無所紀載人多引以爲憾焉孔子有言殷禮吾能言之宋不足徵也文獻不足故也荀卿亦有節族久而滅之嘆夫時間演進萬類隨而變遷人生於其間有如風虎雲龍樊然欲燦其跡使一邑之大五十餘年之久無文獻可徵一在社會變遷人事動態歸於幻化湮滅豈不令山中猿鶴笑人哉

禹輪 來治豐順已閱三年有餘適品推行新縣制之時新縣制我中樞致府認爲是促成抗建大業之利器

禹輪 奉行以來對各部門之實施每有所籌劃斯一切新政有關策進人民幸福者皆有紀載存實之必要故使豐順縣新志不立卽無以應時勢之要求備羣倫之檢討促地方之進步適聞李紳介丞有豐順志材拾遺之作因勸其改纂縣志並聘其爲總纂僅一寒暑成書十二冊隨聘吳君桂芳王君魯垌譚君愚生吳君實生李君伯亭王君韶生等爲總番查在縣開會審查經旬竣事余喜李紳編纂之劬勤及各審查員之尙能盡職以勸成此事也遂樂爲之序

中華民國三十一年秋豐順縣縣長劉禹輪序

豐順縣志

卷首

序

二

汕頭鑄字局梅縣分局承印

序三

縣志者一邑文獻所繫國史地志之所取材政治軍事之所參稽尤邑人士所觀摩借鑑資以激發其志氣而促進社會文化者也豐邑雖僻介萬山中固屬國家行政之一單位自開縣迄今歷二百餘年境內民物風俗文化交通其循環進化之迹今昔迥殊而山川人物勝蹟之散見於載籍者不勝枚舉若貴人村陳大將軍政湯田吳少師六奇皆數世以武功顯又如羅僉都萬傑之氣節吳宮保萬雄之忠貞吳軍門廷楨之殉國丁制軍日昌之文治與夫黃守勳之理學羅紅之高躅柯化鵬譚益盛之循良何仕□吳啓晉丁惠康之文學或義彰民族或功在國家或則治媲召杜冠冕儒林皆彪炳史乘豈惟揭嶺之勝銅鼓之高瘦牛網繩之篇什仲坑霜山遍嶺之故實爲一邑之文獻著千秋之汗簡者哉顧葛許兩舊志皆語焉不詳或闕而不載前修之烈光潛德足資後進楷模而繼軌者皆閭汶弗彰而山川形勢物產民風政教文化勝蹟交通諸犖犖大端尤爲邑人摩挲研究之資亦多畧而未舉余於清季任統計調查曾周歷全縣近廁廣東通志館潮□徵訪專員博訪旁搜見聞所及返觀邑乘每引以爲憾蓄念改編者久矣因有感於章氏文史通義所云郡邑志乘每隔三四十年便當續修一次久則故老淪亡書闕有問誰能□傳其事者去秋閒居家園用是發願纂述□在留其稿以待後之興修邑志者有所取資成裁篇印行藉補舊志之闕差免當時昭昭過後泯泯原非以修志自居也詎草創未半劉縣長禹輸以邑志久未續修舊志存者亦寡促余速成爲志縣府當盡量供給材料允爲籌款印刷竟以總編纂名義見託并按月

豐順縣志

卷首

序

三

汕頭鑄字局梅縣分局承印

酌津貼紙筆費百十余以劉縣長關心邑志彌用急就中經八閱月始脫稿復加整理手鈔又閱四月始終皆獨力負之自維衰朽健忘一人之見聞究有所限因未設局增聘採訪而所列表行查事項送請縣府轉發各鄉公所而填復者又什無一二以致原定氏族一門無從編成乃將全稿交縣府由劉縣長召集邑屬人士開會審查冀集衆智之所長以補獨裁之所短庶幾有以共証而自信焉夫史家義例皆隨時而制宜非同條而共貫者也故馬遷傳貨殖游俠蔚宗傳獨行歐公創雜傳皆由風會所趨而創新體蓋非是無以記其詳而見其確也民國肇造百度革新政制軌物多爲前代所無若循舊志體例續修未免削足適履故因事立例掇故納新凡舊志所載應存事實則大細不捐其錯漏者則攷訂補正沿革務詳其始末去取悉準諸義例分類十一子目七十一共編二十六卷彙成十二冊付之剞劂世變滄桑文絕續獻一髮是繫抱遺訂嚮義不敢辭夫豈好事者哉竊願達者共証之

中華民國三十年六月邑人李 唐介丞甫序於黃花村之卷園

序四

豐順之有志始自乾隆十一年維時新建邑治諸事草創一切紀載均屬粗具模型越百四十餘年許前知縣普濟始倡續修于光緒十年告成許志步武成規搜遺補闕其于邑乘雖較前志爲詳盡而記載瑣碎取材欠精致貽人以賬部之誚邑人恧焉雖然賬部者所以記已成之事蹟而備後來之觀覽也中國數千年來聖經賢傳記載歷歷姑勿具論次如四史三通以至二十五朝國史各省府州縣之通志雖取舍不同體裁各別論斷或有精蘊之異而究其實何莫非記已成之事蹟而貽諸後人之觀覽乎故執賬部之說以爲訾議縣志之口實蒙無取焉 介丞明府李君對於邑乘尤爲關心緬縣志之因漏就簡久而失修也苦心孤詣廣爲搜羅遠則取鄰封各縣志之最完善者以資借鏡近則口求函徵集衆人之小知以成大智覃思深慮歷十餘月之功力手不停揮以成比鉅製適 邑侯劉公禹輪久長斯土善與人同既知李君之超超元著復以修志爲新縣制當務之急乃召邑人士先後集議成立審查會定期審查付諸剞劂而^余與桂芳諸人忝列審查之班竊以天下事綱舉自然目張摘珠自能揀寶本編之成既成于文事進化之今日復出自留心史實之李君^{同人}等舍正誤補遺之外援善善從長之義於人物傳記略有增加藉以激勸從此發揚光大邑之聲名文物與日俱增則豈惟本志之幸^{同人}等亦與有榮施焉同人者吳親翁桂芳吳君實生譚君愚生李君樹棠王君韶生家兄家騏等是也審查後謹序

中華民國三十一年九月環清王家驤

豐順縣志

卷首

序

四

汕頭鑄字局梅縣分局承印

主訂

豐順縣長劉禹輪

編纂

李唐 介丞

總審查委員

譚炳堃 愚生

吳祖理 □生

李樹棠 伯亭

吳桂芳 蕊秋

王韶生

王家騏 魯垞

審查委員

張之瀚 硯丞

王家驤 □□

鄭渭川

王家樑 楚材

丁鏡波

吳柏蒼

豐順縣志

卷首

編訂職名

一 汕頭鑄字局梅縣分局承印

張健民 眉夫

王五良

張鑑初 張玉

張道 文代 化民

王乃宣

王兆堅

曾應庸 月亭

張禮亭

徵訪員

黃國騫

劉德陞

李渭濱

鄭春山

朱伯瓊

陳晉階

朱斐然

豐順縣志

卷首

編釘職名

一一

汕頭鑄字局梅縣分局承印

何鯉汀

馮連山

張炳初

鄒仲平

吳芑生

丘炯章

徐影三

柯日青

丁季彬

羅守禮

陳臨芝

凡例

一縣志爲記述一縣人類進化現象之載籍凡人類進化必由簡趨繁葛志纂於建縣之初其事蓋簡故義例亦畧當時實草創之急就章許志僅依舊例賡續成書所續事實未免疎於搜討與取裁本志因事起例新增幾兩倍於舊志所載應存者概不敢遺惟加以攷証刪其蕪濫合新舊爲一爐而冶庶沿革畢具期歸至當

志內分類普通皆有志攷記畧等名不獨葛許舊志云然李氏方志學謂全書旣名爲志分目不應再用斯名如雍正深澤縣志光緒順天府志均徂標山川建置田賦等名目而不加志畧記攷等字最爲合理本志仿之分類十一子目增至七十一因時勢演變人事倍增爲詳覈計亦史裁應爾

一古者圖書並重互爲表裏本志輿圖一依光緒間英國牧師豐順縣交通圖蔡融所加測繪印開方辨位概用經緯線比舊用星野者爲準確今縮編卷首以舊志所載城署學宮諸圖及最近分區堡壘圖次之庶現狀改變而舊規能存

一豐順建自乾隆三年分拆海陽揭陽嘉應大埔四州縣地而成縣本志因攷史志所載前代疆域與地郡縣分合詳其沿革編列爲表並所有編纂均起自開縣迄民國三十年爲止

一古稱史記一書功在十表列行縈紆徑寸之間千萬里舉目可詳舊志除職官選舉仕宦立表外於沿革學校無表如孝友耆壽鄉善節孝等概行立傳本志擇其有特別事蹟者乃爲立傳若安常處順行

豐順縣志

卷首

凡例

一

汕頭鑄字局梅縣分局承印

事從同概列爲表庶詳而能簡各志亦多此例

一山脉川流原有系統兩山之間大川之上卽城市鄉村所在本志依其系統略仿水經注體記述其地理人文交通大概較舊志僅列舉山川個別名稱者易於明瞭全形

一舊志建置一門先城垣次關隘本志以城已拆毀四郊增築堡壘今昔殊形故首關隘以明險在關壘不在城也惟仍將城垣規制編入又舊制都圖現亦改鄉保今以鄉統保以保統村凡鄉名變更尤多故將舊鄉村名分別註於鄉保之下而舊制都圖分區亦附註焉庶知沿革

一舊制學校與聖廟合廟以示宗尙學以便講修義至深典至鉅也舊志所載廟詳而學略本志兼詳學制自廢科舉設學堂雖同名爲學校然新舊異制因是別立教育一目依現代制歸入政治類而以留學國內外及大學專門畢業列爲一表次於舊選舉表將選舉表歸入舊學制之後顧以學校畢業清季仍以科舉廩增附舉貢名目爲獎勵故仍併爲一類並增典禮一目附於政治類以符政教合一禮制因革百世不惑之旨

一財政關係政治興廢尤關係民生負擔舊志載田賦雜稅總計歲額不及萬元自實施新縣制後歲增收額至五十餘萬元之鉅本年再行清丈邑民負担必再增鉅額本志於此中沿革及金融貨幣之變遷用詳記載

一舊志物產一類載入風土門原甚簡畧然實社會經濟基礎所繫近世史家敘述特多本志物產類分

爲十目分別詳考明其利賴彙爲一冊期有裨於民生實況

一生活方言時俗農諺黨會宗教舊志不載卽禮俗亦語焉不詳本志分別詳述用顯民風亦以表見社會現象庶施政者有所攷求

一人物英卓其活動關係國家民族至大然皆鍾於地方山川之形勢而成於學術及社會風教本志人物列傳於仕宦忠烈文學孝友義行鄉善各目特廣爲崇獎義在激勸

一內政部頒修志事例地方名勝古蹟金石拓本及公私所藏古物均應製影片編入本志勝蹟分爲八目所錄者大部分爲舊志所未載惟古物有限未製影片故附入雜錄

一藝文類舊志專錄詩文本志擇尤分別編入地理勝蹟各條從類夾註俾易深觀感因爲一邑文化表現所繫特分著述文徵雜錄三目網羅之蓋本章氏方志應立三書附叢談之議所錄著述多有未出版或遺侯者各方志均同此例文徵分詩文二種擇其關於地于人及掌故有關係者錄之以表巖邑文化

一藝文去取體例原非一定德施文選雖不登生存孝穆玉臺則並錄現在故章氏文史通義所謂不志生人著作之議李氏方志學力駁其非謂藝文與作者生死渺不相關何所取於蓋棺論定其說甚公所謂坊間刊行作品累萬皆人存自印人亡已變故紙修志者何處覓之故葛許舊志及各方志通例皆載生存作品今從之

豐順縣志

卷首

凡例

一一

汕頭鑄字局梅縣分局承印

一本志首載邑先達遺像五幀均以其人與民族國家有關係者蓋本司馬溫公書儀遺像其面目遺書其精神之義吳萬雄羅萬傑柯化鵬三人俱以氣節著吳六奇丁日昌二人俱以事功顯爲激勵風教起見故不嫌創例附載於圖後

一本志完全出於一人之手又勒限十月之功搜遺訂隳函詢口徵絕無助手以年衰才薄之所爲其羸率訛漏之處勢所不免增刪訂正敬祈賢哲

目錄
卷首
序 凡例 目錄 圖相
卷一
地理一 疆域 沿革附表 山脉
卷二
地理二 川流 氣候
卷三
大事記一
卷四
大事記二
卷五
建置一 關隘 堡壘 城署 橋渡 區鄉
卷六
建置二 墟市 學校 公產 公益 義塚
豐順縣志
卷首
目錄
一
汕頭鑄字局梅縣分局承印
卷七
政治一 戶口 財政 雜稅 金融
卷八
政治二 交通 教育 典禮
卷九
政治三 倉儲 水利 墾殖
卷十
政治四 防衛 黨會
職官表
卷十二
物產一 五穀 蔬菜 果 木 竹 花 草 藥
卷十三
物產二 羽 獸 鱗 介 昆蟲 礦 貨材
卷十四

勝蹟一 金石 古蹟 署宅

卷十五

勝蹟二 寺觀 廟祠 塋墓 坊塔 名勝

卷十六

風俗 婚禮 喪禮 祭禮 時俗 生活 方言 歌謠 宗教

卷十七

選舉表 科舉 畢業

卷十八

仕宦表 明清 民國

卷十九

列傳一 政績 流寓 仕宦

卷二十

列傳二 仕宦 忠烈 才能

卷二十一

列傳三 文學 孝友 義行

豐順縣志

卷首

目錄

一一

汕頭鑄字局梅縣分局承印

卷二十二

列傳四 鄉善 耆壽表 烈女 節孝表 方技

卷二十三

藝文一 著述 文徵文類

卷二十四

藝文二 文徵文類

卷二十五


藝文三 文徵詩類

卷二十六 雜錄

(圖一)




(圖二)



豐順縣第一區

中華民國三十一年六月

例										首									
小	鄉	軍	公	電	河	山	警	市	村	保	中	鄉	區	縣	保	鄉	區	縣	界
道	道	道	道	道	道	道	道	道	道	道	道	道	道	道	道	道	道	道	道
道	道	道	道	道	道	道	道	道	道	道	道	道	道	道	道	道	道	道	道




比例尺 1:100000

豐順縣第二區圖

中華民國三十年六月


例										圖											
小	鄉	軍	公路及 電話線	何	山	敬	市	村	保	保	中	鄉	區	保	鄉	區	縣				
道	村	路	路	派	脈	祠	鎮	落	區	區	心	鎮	區	區	區	區	區				



比例尺 1:100000

豐順縣第三區看

中華民國卅年五月



比例尺 1:100000